

www.BibleForChildren.org


Mateo 8



Kimisa punchapika, Galilea alpamanda Kaná suti
puiblupi sug kasaraimi tiarka. Chi kasaraiipi,
Jesuspa mamapasmi kagrirka. Jesusta i paita
katiraiagkunatapasmi kunbidarkakuna.



Chi kasaraipika, binu pisigsamurka. Chasa kagmandaka, Jesuspa mama, paita nirka: —Binu, ña mana iukankunachu. Paipa mamaka, chi kasaraipi aidagkunata nirka: —Pai tukui imasa niskasina rurangichi.



Nigpika Jesuska, aidagkunata nirka:
—Mangakunapi iaku jundachiichi.
Chiuralla, tukui mangakunapi
jundachirkakuna. Chiura, Jesuska
nirkakunata: —Kunaura wisispa, butijiruta
tantiachigriichi.



Karaura, butijiruka iaku binu tukuskata upiarka,
maimanda wisiska kagta mana iachaspalla.

Iaku jundachigkunallami
iacharkakuna. Upiaspaka,
kusa tukungapa kagta
kaiaspa, nirka:

— Tukuikunapagpimi
ñugpa alli binuta
karankuna.



Nispaka, ña alli upiaska kaura, mananchatami
karankuna. Ikuti kamka, kunankamami mas alli binuta
wakachiska kangi.




Chasami, Galilea alpamanda Kaná puiblupi, Jesús
musuglla mana imaurapas kawaskasina
rurarka. Chiwa, pai suma atun
kagtami kawachirirka.
Chasa kawaspaka, paita
katiraiagkuna mas suma
paimanda iuiarirkakuna.



Chimandaka Jesús, Pedropa wasipi iaikugrirka. Chipika
Pedropa suigra, rupaiwami ungug sirikurka. Chasa
kawaspa, . . .



. . . Jesuska paipa makita tantiarka. Tantiauralla, rupai anchurirka. Chiura chi warmi, atarispá, mikui ianuspa, karai kallarirkakunata.



Chi tuta, indi ña chingaska kaura, ungugkuna i kuku
wairawa kaskakunata, tukuikunatami Jesuspagma
chaiachigrirkakuna.


Chi puiblumanda tukui
runakuna, wasi punguma
tandarigrirkakuna.



Chiura Jesuska, maituku ungugkuna kaskakunatapasm
ambirka. Chasallata, achka kuku wairakunatami
llugsichirka. Chi kuku wairakuna iacharkakuna pi
Jesús kagta. Chimandami chi kukukunata mana
sakikurka, chasa willangapa.



Jesús, paipa iapa iachaillawa tukui unguiwa
kaskakunatami aliachikurka. Chimanda tukui chipi
kagkuna, paita llamkangapami munanakurka.



Chasa iachachikuura, chusku runakunaka, mana
kuiuringapa unguiwa kaskata wanduspa, chi
wasima aparkakuna.



Iapa achka runakuna ukupi junda
kagmanda, mana pudirkakuna Jesús
kaskama iaikuchingapa.
Chimandaka, wasi awama
sikachirkakuna.



Jesupa awa ladu wasita
utkuchispa, chi runa chakanapi
sirikuskata Jesupa ñawi
ladu uraikuchirkakuna.



Chiura Jesuska, "Ambipuangami" iuianakuskata
kawaspaka, mana kuiuringapa
unguiwa kaskata nirka:

—Wambra, kam
pandariikunata ñami
pasinsiaska kangi.

Chasa nispa, mana
kuiuringapa unguiwa
kaskataka nirka:


—Nukami niiki:
atarii. Chakanata
markaripa, kamba
wasima rii.



Chiuramanda, Jesús kanuapi iaikuura,
katiraiagkunapas iaikurkakuna. Ña
iaku chimbanakuskapi, iapa
sinchi waira atarii kallarirka.
Chiwanka, kanua ukuma
iaku ña iaikukurka.
Jesuska puñukurka.



Jesuska, rigcharispa, ainirkakunata: —¿Imapatak
chituku mancharingichi? Kamkuna, maillami nukamanda
iuiawaspa kangichi. Chasa nispaka, atarispá, wairata i
iakuta piñarka. Chasa piñauraka, tukui allillami
kasillaiagsamurka. Katiraiagkuna,
ujnarispami paipura
tapurinakurka: —¿Ima
runasik ka? Waira i
iakupas, paita uiankuna.



Taita Dius, kai
alpamanda tukui
runakunata ña iapa kuiaspa, kikinpa
suglla wambratami kachamurka;
chasaka, paimanda tukui suma
iuiagkuna, puchukaringataka,
mana puchukaridiru kaugsaita
iukangapakuna.



Romanos 3:23

Tukuikunami pandarinchi. Chimandaka, Taita Dios atun sumaiachiskamanda iapa karupisinami karkanchi.

Romanos 6:23

Pandarispa ruragka, wañuitami chaskí. Ikuti Taita Dioska, nukanchipa Iaia Jesucristowa mana puchukaridiru suma kaugsaitami kará.

Hebreokunata 9:27

Imasami tukui runakunata chaiá, sug biajilla wañungapa; nispaka, Diospa ñawi ladu justisiai tukugringapa:



Efesopi 2:8,9

Taita Dios suma kuiagmandami, kamkuna, paiwa suma iuiaripa, kispichiska tukurkangichi. Mana kispirirkangichichu kam kikinkunapa iuiaillawa. Taita Dios kikin karaskallawmi kispichii tukurkangichi. Kam kikinkuna allilla ruraskamanda mana kispirirkangichichu; chasaka, ñi pipas mana atuniachiripa ningapa: "Nuka kikinllami kispirirkani".

Romanos 10:9,10

Kamkunapa simiwa willaspami iukangichi, Jesús nukanchipa iaia kagta ninga. Kamkunapa iuiaiwami iukangichi suma iuiaringa, pai wañuskata, Taita Dios kaugsachiska kagta. Chasa iuiaiwa kagmandami kispichii tukungapa kangichi. Kamkunapa iuiaiwa Jesucristowa suma iuiariskamandami mana pandarig niraiangichi. Simiwa Jesucristomanda willagmandami kispichiitukungapa kangichi.



Juan 3:16,17 Taita Dios, kai alpamanda tukui runakunata ña iapa kuiaspa, kikinpa suglla wambratami kachamurka; chasaka, paimanda tukui suma iuiagkuna, puchukaringataka, mana puchukaridiru kaugsaita iukangapakuna. Taita Dios, kikinpa wambrata kai alpama mana kachamurka, kaimanda runakunata justisiai rurangapa. Nukanchita kispichingapami paita kachamurka.

1 Juan 5:11-13 Kasami Taita Dios willá: mana puchukaridiru suma kaugsaitami nukanchita karamuska ka. Chi kaugsaita paipa wambrawami karamuska ka. Chiwa, maikanpas Taita Diospa wambrawa suglla iuiyai chariraiag, chi kaugsaitapasmi iuká. Ikuti maikanpas mana Taita Diospa wambrawa suglla iuiyai chariraiagpika, manima chi kaugsaita iukanchu. Nuka willaskata kachanakuikichitami, kamkuna kasa iachangapa: kamkuna Taita Diospa wambrawa suma iuiarigkuna, mana puchukaridiru suma kaugsaitami iukangichi.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Inga Bible (inb) © 2009, Wycliffe Bible Translators,
Inc. All rights reserved.

<https://live.bible.is/bible/INBWBT/MAT/1>

©2024 Bible for Children, Inc.

www.M1914.org

www.bibleforchildren.org

